

馬氏文通

文通

丹徒馬建忠

實字卷之二

名字二之一

名字所以名一切事物者，省曰名。

名字共分兩宗，一以名同類之人物者，曰公名。

禽獸二名，凡翼者皆名曰禽，凡蹄者皆名曰獸，故禽獸名爲公名，凡名之不止名一物者，皆此類也。

一以名某人某物者，曰本名。

曰堯曰舜者，古今來止一人爲堯，一人爲舜，故稱曰本名。嵩岳泰岱止一山之名，江淮河漢止一水之名，皆曰本名。

書籍有用本名爲公名者

孟在於王所者長幼卑尊皆薛居州也王誰與爲不善薛居

州本名也而此則公用矣猶云皆如薛居州之善士也孟附

之以韓魏之家如其自視攸然則過人遠矣韓魏本名也而

用以表富如韓魏者之家則公名矣

又有用地之公名指人者

孟四海之內皆曰非富天下也四海之內代指四海內之人

貨殖傳天下熙熙皆爲利來天下攘攘皆爲利往天下以指

天下之人李廣列傳故怒形則千里竦威振則萬物伏千里

亦指千里內所居之人也他如陛下閣下之名皆以指人蓋

以所居者指其所居之人也。

更有以地之本名指人者。

送楊支使序知其客可以信其主者。宣州也。知其主可以信其客者。湖南也。宣州湖南兩地本名也。今用以指宦於斯地之人。人以地名。古無是也。唐以後則然。

公名別分爲二。一曰羣名。所以稱人物之聚者。

二千五百人爲師。五百人爲旅。又五家爲鄰。二十五家爲里。萬二千五百家爲鄉。五百家爲黨。故師旅鄰里鄉黨皆羣名也。

一曰通名。所以表事物之色相者。蓋離乎體質以爲言也。

論夫子溫良恭儉讓以得之。溫良恭儉讓皆夫子之德耳。又恭寬信敏惠與夫剛毅木訥位祿名壽等字皆通名也。

書中通名最習見而通名往往假借靜字。

張厥傳夫心之精微口不能言也言之微妙書不能文也精

微與微妙皆靜字今用爲通名矣釋言賜之大禮之過知之

至是三者於敵以下受之宜以何報大過至三字本靜字也

而用爲通名上于相公書不知鞍馬之勒道途之遠也勤遠

二字本靜字而用如通名孟用下敬上謂之貴貴用上敬下

謂之尊賢上下賢貴本靜字也而用以指人經籍中假借靜

字以爲通名者皆是也

假借動字

上于相公書聖賢之能多農馬之知專故也能知動字也而
用如通名上鄭相公書竊自計較受與報不宜在門下諸從
事後受報動字也而用如通名答侯繼書冀足下知吾之退
未始不爲進而衆人之進未始不爲退也進退動字也而用
作通名其見於他書者不可枚舉

更有假借狀字者

迢迢遊天之蒼蒼其正色耶蒼蒼重言本狀字也今假借爲
名商君列傳千人之諾諾不如一士之謬謬兩重言本狀字
也而名用之屈原列傳人又誰能以身之察察受物之汶汶

看乎原道彼以煦煦爲仁子子爲義其小之也則宜義皆同
上孟賢者以其昭昭使人昭昭今以其昏昏使人昭昭上昭
昭與上昏昏皆狀字也而用如名字

至同一字而或爲名字或爲別類之字惟以四聲爲區別者皆
後人強爲之耳稽之古籍字同義異者音不異也雖然音韻之
書今詳於古亦學者所當切究而况聲律之文惟此之務平爰
錄如干爲則

比字皋比虎皮也名也當平讀學記之比物醜類解比較也
則動字矣當上讀而周禮夏官大國比小國解親近之義亦
動字也則去讀

分字繫辭物以羣分別也動字平讀禮運禮達而分定名分也名也則去讀

王字名用平讀詩經王此大邦動字去讀

尼字僧尼名也平讀孟子止或尼之動字入讀

令字名字去讀動字平讀

衣字名則平讀動字去讀

妻字名則平讀動字去讀

空字靜字也詩在彼空谷平讀禮考工記函人砥其鑽空名

字也上讀論語回也其庶乎屢空窮也亦靜字去讀

思字名用去讀動字平讀

除字解殿陛也名用平讀書經泰誓除惡務本田蚡傳君除吏盡未皆動字平讀惟詩經今我不樂日月其除解去也則去讀

慮字淮南子澹然無慮解思慮名用平讀書經弗慮胡獲慮疑也動字去讀冠字名用平讀動字去讀

咽字曰咽喉名也平讀曰哽噎動字入讀

庭字易不出戶庭名字平讀莊子大有逕庭靜字去讀

衷字書經降衷於下民解方寸所蘊也名字平讀左傳衷戎

師當也動字去讀惟孔子世家贊折衷於夫子此衷字平仄

兼讀扇字禮月令乃修闔扇又箒也名字去讀補亡詩四時

遞謝八風代扇動字平讀

釘字名也平讀動字以釘釘也去讀

乘字詩元戎十乘名也去讀易時乘六龍以御天解駕也孟不如乘勢解因也詩亟其乘屋解治也皆動字平讀

疏字楊雄解嘲獨可抗疏時道是非解奏疏也名也去讀孟禹疏九河解通也禮祭義祭不欲疏解稀也一爲動字一爲靜字皆平讀

培字名字去讀左培塿無松柏小阜也名也去讀庸菽者培之養也動字也平讀

牽字挽舟索也通緯名也去讀易牽羊悔亡引也動字平讀

教字、易聖人以神道設教、解所以教也、名也、去讀、解教之也、
動字也、平讀、

荷字、芙蕖也、名也、平讀、論有荷蕢而過孔氏之門者、動字也、
上讀、

盛字、泰誓犧牲粢盛、祀器中之黍稷也、名也、平讀、繫辭日新
之謂盛德、靜字也、去讀、

屏字、名也、平讀、詩大邦維屏、動字上讀、王制屏之遠方、解除
去也、

鈔字、名也、去讀、楮貨名、一貫二貫三貫五貫十貫謂大鈔、一
百二百三百五百七百謂小鈔、見宋史、動字平讀、前漢公孫

瓚傳，尅期會日，攻鈔郡縣，略取也。又與俗抄字同解。

創字，名也。平讀。曹相國世家：身被七十創，解傷也。動字，去讀。孟創業垂統，解始也。造也。書益稷：予創若時，懲也。

湯字，名也。平讀。楚辭：浴蘭湯兮沐芳華。又殷湯，去讀。動字也。熱水沃也。

量字，名也。去讀。書律度量衡：動字平讀。丈量，商量也。周禮量人。

喪字，平讀。名也。論臨喪不哀，持服曰喪，去讀。動字也。論二三子何患於喪乎？又天之將喪斯文也。

楷字，平讀。名也。孔林之木，上讀。動字也。儒行：今世行之，後世

以爲楷式也法也又模楷

聞字去讀名也聲所至也詩令聞令望又聲聞平讀動字也書俞予聞如何聞知也

傳字去讀名也經傳與驛傳列傳之類平讀動字也續也布也禮七十曰老而傳

號字去讀名也號令稱號之類易渙汗其大號又齊語使周遊四方以號召天下之賢士平讀動字也詩式號式呼大呼也

膏字平讀名也脂膏又肥也孟所以不願人之膏粱之味也去讀動字也詩陰雨膏之

稱字去讀名也。權衡也。俗作秤。又度也。作動字用。易君子以稱物平施適可之也。平讀動字也。月令蠶事既登分繭稱絲效功以共宗廟之服。知輕重也。又揚也。表記君子稱人之善則爾之。又言也。檀弓言在不稱微。

劑字平讀名也。質劑券書也。去讀動字。調劑藥劑之意。鋪字去讀名也。賈肆俗作鋪。平讀動字也。詩序賦之言鋪陳。今之政教善惡解布也。而金鋪則門之銜環者亦名也。

墳字平讀名也。檀弓古者墓而不墳。仄讀靜字也。禹貢白墳赤墳土膏肥也。論字平讀名也。評論魯論齊論之類。去讀動字也。書論道經邦。王制凡官民材必先論之。

彈字去讀名也。行丸也。又彈丸平讀動字。鼓爪也。屈原列傳。新沐者必彈冠。又糾劾也。

緣字去讀名也。衣純也。公孫弘傳。緣飾以儒術。註云。猶衣加純緣也。平讀動字。循也。緣木求魚。又因也。

監字平讀名也。王制。天子使其大夫爲三監。詩。既立之監。去讀動字。視也。詩。監觀四方。又監鑒通。書人無于水監。當于民監。而官寺爲監。名也。去讀。

縫字去讀名也。檀弓。古者冠縮縫。今也衡縫。平讀動字。以鍼紕衣也。詩。羔羊之縫。

親字去讀名也。親家姻親之屬。左。庶人工商。各有分親。平讀。

動字近也愛也身親庶務又論因不失其親

橈字平讀名也博雅楫謂之橈去讀動字易棟橈枉也又月令令有司申嚴百刑毋或枉橈

燒字去讀名也野火曰燒平讀動字熱也

操字去讀名也節操琴操之屬平讀動字曲禮必操几杖以從之

磨字去讀名也石磴也天文志如蟻旋磨平讀動字詩如琢如磨

興字去讀名也趣也詩興乘興之屬而比興讀亦同平讀動字詩夙興夜寐又靜字盛也詩天保定爾以莫不興

擔字去讀名也左弛干負擔平讀動字秦策負書擔囊

騎字去讀名也車騎驃騎之類平讀動字跨馬也

難字去讀名也曲禮臨難毋苟免患難也又詰辨之解則動字矣平讀難易之解靜字也亦平讀

藏字去讀名也庸寶藏興焉平讀動字匿也易陽氣潛藏又蓄也易君子藏器於身

籠字去讀名也箱籠藥籠平讀動字食貨志籠貨物籠鹽鐵而盛矢之器曰籠亦名也

觀字去讀名也宮觀京觀之稱卦名同平讀動字書子若觀

火